

立 刻 止 痛

杏莊主人外科藥水 專治皮膚百病 乳癰胎毒 頑癬 汗斑 疥癩 痛皮膚 癢 鵝掌風 骨節麻木 無名腫毒 并湯火跌打 蛇虫傷 百足咬之類 凡極痛者 當面可試 立刻可止 一寄在省城十一甫保濟堂代賣 一在香港上環大馬路街口 應記錢櫃代賣

壬子年吉月吉日 杏莊主人謹啟

**煤 炭 發 客**  
 啟者香港中環  
 永勝街門牌第  
 十五號義和隆  
 號常有安南煤  
 炭發售此煤質  
 甚佳價亦相宜  
 諸尊光顧請移  
 玉步此佈  
 二月十八日  
 義和隆謹啟

茲時昌泰安記在摩囉下街門牌第五十號五十二號五十四號六十二號正棧共四間做染料生意原日同安堂李庭梁達等合股同做自辛巳年正月起做到壬午年四月十五日止各泉滿盤清算另圖別業今將時昌泰安記字號舖底傢私什物染料一概頂與福南堂承受四月十五日交易清楚今仍用同時昌泰字號改換福記二字仍做染料生意至日前時昌泰安記欠到各寶行貨項揭項賬會等項俱歸舊人安記支理但各寶行有欠到時昌泰安記染項揭會等項亦歸舊人安記收理概與新人福記無涉倘日後時昌泰福記生意盈虧概與舊人安記李庭梁達等無干特此佈聞以免後論

光緒八年五月十五 福南堂謹啟

上海仁和濟保險有限公司  
啟者本公司實備資本銀壹百萬兩專保  
中外各埠來往船載金銀貨物各埠均有  
經理本公司保險事務之人其章程保費  
同彩各款均與各保家大例相同上海業  
於本月初一日開辦尚望中外客商勿  
吝賜顧為荷粵東省城仁和公司托廣州  
輪船招商局經理濟和公司打廣牛源號  
經理粵東省城准四月二十五日開辦特  
此佈聞 光緒八年四月吉日

啟者本店常有各埠煤炭發客堅固快捷火船仔數只賃往各處或帶快信或遊河拖船出入口俱皆利便妥當如貴客光顧請至同文街興利店面議價甚相宜此佈

光緒八年正月十八日

同文街興利店謹啟



## 報

日講起居注官翰林院侍講學士臣陳寶琛跪 奏爲大員曠職辜 恩請 旨量予懲處事臣前伏讀光緒七年六月十五日 上諭朝廷進退大臣惟視其能否盡職以爲考核等因欽此大哉 綸言誠治世之長規馭才之宏矩也伏見署步軍統領戶部右侍郎崇禮由內務府司員不數年間驟躋卿臬差使絡繹若步軍統領總理各國事務戶部錢法堂皆責大任重之事而崇禮以一身兼之爲崇禮者官如何感激 隆遇勉圖報稱不意其曠職辜 恩一至於此也夫步軍統領有緝捕盜賊除暴安良之責自崇禮任左翼總兵以來東城地面搶竊公行全無畏忌及其署理提督甚至如公奕詢府故大學士英桂前都統兒保宅迭出劫竊之案至今賊盜迄未捕獲近讀 諭旨古銘猷一案乃復縱容番役妄享無辜辱及士類夫貴近之家向遭懷奪則民間可知衣冠之士尙遭塗炭則民間更可知 輦下駟然無不集指

賭徒可惡。邇來官憲禁賭森嚴而總不能根株盡絕。皆由賭徒之伎倆百出耳。聞城西四廟公局自奉官憲禁賭以來三令五申而賭館仍有七間如積金巷及大坑渠口等處聚散非常局紳等竟無如何祇得將難辦之處開列呈官前數日臬憲以七間賭館既屬四廟管轄將其查封委員變價充公所估之價甚廉即由四廟備價承領改做正業作廟內蒸嘗迨至四廟領業後有陸姓賭徒盤踞開賭如故紳士復指名稟控將陸某解縣而堅不承認南邑尊召悉陸某係馴馬坊等處更練向

美紳駁苛待華人書 舊金山中西彙報謂自美邦總統准行禁止華人前往新例國中大神多有以此例爲不公者各抒所見以駁其非茲將紐約馬省院紳名賀所上議院之書譯錄供覽其畧謂我國民人當一百年之前各守良法共矢昇平是以設立國例不拘諸色人等相待一律各受其益于以歡騰海外同歌善政外邦之民極負而來咸稱樂土以致有今日之富庶更進而言之初開南花旗墨士哥與及加鐸科爾省等處設立省例播揚遠邇任四方之人前來居處考其時即一千八百六十八年加省大神名乾拿者在美都上議院條陳其主意全在任人來往以開僻土以實戶口無論何國之人既來此地無分主客無分疆界此真識高量廣不愧爲國之功臣此亦非他人即列上議院之紳耆生於埃崙之人也何以時至今日乃有議禁人來之例乎吾不知與省例國例果合否耶又考中美條約當時由 欽差潘能謙所定又經滑士打之手各款皆稱妥善其尤要者即是任工人來往一條近年乃忽議刪改既欲刪改必須兩國有益方爲公道譬如娼妓犯罪疾病兼賣身爲役之流宜載入約章不准進口於兩國皆爲有益而所議竟將此事置之度外專講禁止華工以限制之例爲重以從前條約爲輕此事實非出於公平也在我生居美國籍貫馬省鄙意實不願限制華工之例爲至要凡各國之人不分貴賤稍係清白良民宜任其來往自便方全我國公平而今所議之例未嘗於約章無碍又何也新例謂禁止二十年如有冒犯進入美都者不拘關津諸色人等任意將其逐出境外此實有碍約章夫議禁之人其意蓋謂華人太多有碍我國之人耳我考中美立約之初已有華人四萬二千之衆計至十有三載僅得華人十萬五千之數以我全國之人比較尙不足五百分之一之人何謂多而有碍又考一千八百八十年外國民人進入美都者共有五十三萬九千而華人僅得五百八十二名一千八百八十一年外國民人進口共有七十

埃及近耗 初五日歐洲信息云埃及之亞力新地理亞地方前經倡議建築砲臺以資防禦事聞於土廷特爲移書禁止惟文書到日各砲臺均已工竣且安置大炮於其中無不妥適並分撥砲兵常川駐守現埃及兵士日夜操練燃放大炮且量度地方遠近以測準則凡岸上砲臺之炮必期可以遠及海上英國砲船停泊處蓋以備與英砲船相持也○日本水災 日本佐治新報云嬌馬麼都地方猝遭洪水爲災有村落四百三十五處頓成澤國村民之蕩析離居顛連失所者蓋萬餘家焉所植之茶亦被洪水淹浸無存焉其爲災亦慘矣○帆船失事續聞 前傳馬利打担帆船猝撞於礁石上以致沉溺茲經嘉卑公司租賃日本理澳富馬魯火船可載重二百頓者駛往其失事處擬將是船撈起以便拖回理澳富馬魯火船因載西人八名日人六十名並携有吸水機器同往此等機器有吸水管二條每一棉尼之久可吸水八千加倫云又有西人兩名日人兩名精於泅水者亦附搭是船前往以期收臂指之效焉○違例罹罰 新富冷思士高新報謂西歷五月二十三日倫敦信息有云聞英國波威路加蘇火船駛至亞士多理亞處船主担臣因將其船所載之搭客報少有違第四千二百六十六條則例被控於案經合衆國的特按察司審訊以其虛假判罰銀一千圓又因有違第四千二百五十三條則例所載搭客逾限一百六十名判每搭客罰銀五十圓共罰銀八千圓現船主以所罰過重懇給限

獄中尋死 申亨前因行竊被拘在獄亨遽尋短見擬雉經而亡被人所見急爲解救而報知巡理府復經提訊亨直認不諱官嚴爲申飭而釋之令去○港事瑣錄 本港西報云茲聞有旅港華商數人因見邇來報窮之案甚多恐其中滋生弊端殊於貿易場中有碍特擬規條繕就稟詞聯名遞於港督請選舉生意場中之有名望者將報窮之人產業詳細查核有無作弊然後准其報窮云蓋華商之所以爲此者欲杜絕弊端勿令人藉報窮以行其詭譎之術也○竊案 陳盈攻木之工也因竊鎖被拘到案官查舊牘悉其前曾繫獄三次乃判繫獄六閱月罰作苦工○私錢被獲 十四日白雲火船由澳門到港經巡差金甲路偕同差役赴船搜出私鑄之銅錢三十六箱每箱約錢二三十萬枚蓋該發往安南者也現經拘得挑夫二人倒案以憑訊究矣○炮炸傷人 西







有銀出揭  
啟者本公司有銀出揭  
但必須有屋宇地段貨  
倉等爲按當方准信若  
欲揭銀者可將業契拈  
來查明親身到皇后大  
道第十三號門牌雲公  
司處卽金寶銀行舊渣  
打銀行對面太古樓上  
面議可也  
三十元